

Aen Mbanj Ndeu 7 Aen Minzczuz 11 Loh Vahdeihfueng:

Youq Caemh Mbanj, Couhdwg Ranz Vunz Ndeu!

1 个村屯 7 个民族 11 种方言: 住在一个屯, 就是一家人!



▲ Gizneix dwg Gvangjsih Lozcwngz Mulauzcz Swciyen Lungzan Cin Lungzfung Cunh Mbanjginhgih. Sinhvasse gicej Cinz Gvangjvaz ingj

Yaek daengz banringz, youq Gvangjsih Lozcwngz Mulauzcz Swciyen Lungzan Cin Lungzfung Cunh Mbanjginhgih, daih bouxhek gwn gvaq duix youzczaz ndeu le, dahbawx Myauzczuz Siuh Suhlonz hainduj youq bakcauq nyaengq cawj ringz. 27 bi gonq, Siuh Suhlonz daj Yungzsuij Myauzczuz Swciyen haq daengz Mbanjginhgih, caeuq bouxgvan Bouxgun caez gvaq ndwenngoenz.

Youq aen mbanj iquetet neix, miz Cuengh、Gun、Mulauj、Myauz、Yauz、Dung、Gingh daengj 7 aen minzczuz, ndawde gyauejvunz Bouxgun ciemq 30%, minzczuz wnq ciemq 70%. Gyoengq vunzmbanj gangj Vahcuengh、Vahmulauj、Vahdung daengj 11 loh vahdeihfueng, 70 lai ranz 300 lai boux vunzmbanj daihdaih doxhuz.

Mbanjginhgih haujlai ranz cungj dwg lai aen minzczuz gapbaenz, ranz Hoz Mingzsingh couhdwg ranz ndeu. “Gou caeuq daxmeh dwg Bouxcuengh, daxboh dwg Bouxgun, dahbawx dwg Mulauzcz.” Hoz Mingzsingh naeuz.

Daengx bi sei q geiq, gwnz congzhaeux ranz Hoz cungj miz gij feihdauh geij aen minzczuz, ceiz faengx Bouxcuengh, gijgwn gyoet Mulauzcz. Gyoengqde daengx ranz 3 aen minzczuz dox aeueiq minzczuz sibgvenq, ndwenngoenz gvaq ndaej vuenyungz dangqmaz.

Aenvih lizsij yienzaen, diegcoj haujlai vunz Mbanjginhgih youq Fuzgen, Vahminjnanz caeuq Vahgveiliuj bonj dieg baenz gij vah cujyau gyoengq vunzmbanj gangjgoj. Lai bi doxdaeuj, aenvih lai aen minzczuz doxaeu doxhaq daengj, mbanj vunzmbanj doengzseiz rox gangj Vahmaxgai、Vahcuengh、Vahmulauj、Vahmyauz、Vahdung daengj vahdeihfueng.

“Bae ranz bouxwnq guh hong, ciengzseiz aeu gangj lai loh vahdeihfueng.” Daeuzmbanj Mbanjginhgih Linz Siyoz naeuz, caezgya caemh youq gvaq ndwenngoenz nanz le, rox gangj sam sei q loh vahdeihfueng mbouj hoj.

Mwh ngamq daeujaengz Mbanjginhgih, Siuh Suhlonz aenvih gangjvah mbouj doxdoengz cix ndoj youq ranz mbouj nyienh okdou gvaq: “Haujlai vunz gangjvah gou cungj dingq mbouj rox, gyoengqde gangj Vahminjnanz caeuq Vahgveiliuj, hoeng gou gangj vahdeihfueng Myauzczuz ranz meh.”

“Ndaw mbanj miz haujlai dahbawx diegro, gyoengqde dingzlai dinfwngz lingzleih, hix cungj ndaej langhbaij gij daegsaek minzczuz bonjfaenh.” Hoz Mingzsingh naeuz, vunz naeksim bae ranz Siuh Suhlonz youz le yawjraen, youzczaz de guh haenx ndei gwn raixcaix, mingzdaeuz Siuh Suhlonz yaepyet couh youq Mbanjginhgih cienz hai lo. Mboengq

mbouj nyaengq hong reih hong naz, vunzmbanj ciengzseiz bae ranz Siuh Suhlonz, gwn duix youzczaz Ranzmyauz ndeu, gangjgangj goj. Gangjvah mbouj doengz, youq baihnaj youzczaz, menhmenh mbouj miz lo.

Youq Mbanjginhgih, binaengz liggaueq ndwencieng cibngux dwg ciet bingzan lumj gvaqcieng ityiengh hoengghwd. Aen ciet neix dwg ginggvaq ciuhgonq gak minzczuz ndaw mbanj doxyaeng laebbaenz. “Gyoengq bouxlaux naeuz, raeuz gak cuz gawqyienz doxcomz youq gizneix, couh lumj ranz vunz ndeu ityiengh, haenx couh dingh aen seiz ndeu gvaq ciet, muengh gyoengq beixnuengx daj gak dieg daeuj haenx bingzan.” Hoz Mingzsingh naeuz.

Youq ngoenzneix, beixnuengx baengzyoux vunz Mbanjginhgih cungj daeuj, caezgya doxcomz gwn laeuj angqhoh, gyoengq vunzmbanj lij daenj hwnj ndangdaenj minzczuz bonjfaenh, guh youzczaz, guh ceiz, cingj bouxwnq daengz ndaw ranz cimz, angqyangz dangqmaz.

Ndaw mbanj miz diuz gvigawj mbouj yungh naeuz ndeu: Mboujlwnh ranz lawz miz begsaeh hoengzsae, daengx mbanj moix ranz cungj aeu miz vunz bae bang. “Boux youq rog guh hong baez-naengx hix ganj dauqma bang.” Linz Siyoz naeuz.

“Youq caemh mbanj, couhdwg ranz vunz ndeu!” Hoz Mingzsingh naeuz, ndaw mbanj gig noix raen ranz lawz aenvih saehsaepsoiq miz ngaek-geu gvaq, de ndaej geiq, mizseiz miz vunz doxndaq saek coenz, hoeng baenq ndang gvaqdaej, song vunz youh caez naengh gwn laeuj gangjgoj lo.

(Nungz Gvanbinh Cinz Gvangjvaz doz faenz daj Sinhvaszvangj aeu daeuj)



▲ Siuh Suhlonz(gvaz it) cingq caeuq vunzmbanj gwn youzczaz gangjgoj.

Sinhvasse gicej Nungz Gvanbinh ingj

Gij Cingsaenz Gangjvah Siz Ginbingz Cungjsuhgi Youq Aen Hoih Hong Minzczuz Cunghyangh Youq Ningzmingz Yen Fanjyiengj Hoengghwd

习近平总书记中央民族工作会议上的讲话精神在宁明县引发热烈反响

Aen Hoih Hong Minzczuz Cunghyangh ndwen 8 ngoenz 27 daengz ngoenz 28 youq Baekging hai, Ningzmingz Yenveij Dungcanbu sik-haek cujcziz dungjyiz cansen cwngz-yenz gibseiz yawj dingq. Ganbu ginzchung doiq gij cingsaenz gangjvah youqgaenj Siz Ginbingz cungjsuhgi youq Aen Hoih Hong Minzczuz Cunghyangh fanjyiengj hoengghwd, caezgya cungj naeuz, gij gangjvah youqgaenj Siz cungjsuhgi dwg gij gaenbonj ciuqei guh ndei hong

minzczuz seizdaih moq, vix cingcuj fuengyiengq baenaj hawj raeuz guh ndei hong minzczuz aendangj seizdaih moq.

Ningzmingz Yen dangguh aen yienh Gvangjsih sienq bien'gyaiq diegdeih cei q raez, raeuz itdingh cinjdeng cienzmienh gaemdawz gij swhsiengj youqgaenj aendangj raeuz gvendaengz gyagiengz caeuq gaijndei hong minzczuz, mboujduenh genhciz aendangj lingjdauj hong minzczuz, yaengxsang fangeiz Cunghvaz Minzczuz

doxgiet hoengh, cukmaenh gij eijsik caezcaemh Cunghvaz Minzczuz, caemh sim caemh rengz doxcaez guh saeh-nieb hungmbwk, vih henho giekgya ancienz onjdingh, comz rengz minzczuz, bangrengz gizdieg bien'gyaiq ginghci ndawbiengz hwnghat guh'ok gungyen, baujmaenh gij cingsaenz gangjvah youqgaenj Siz cungjsuhgi youq gizdieg minzczuz bien'gyaiq cienz daengz dieg.

Ningzmingz Yen yamqlaeng lij yaek laebdaeb gyalai gij rengz

senhconz minzczuz doxgiet, riengzlaeng seizsei q haiguh hagsib, senhconz hozdung, cungfaen yungh LED den-swjbingz, fukbaengzhoengz, veihsin gunghcunghau daengj aen bingzdaiz meizdij cienzmienh senhconz gij cingsaenz gangjvah Aen Hoih Hong Minzczuz Cunghyangh, caenh'itbough dajcauh gij heiqaenh daengx biengz hagsib gvancez gij cingsaenz aen hoih, cuknet swhsiengj giekdaej gij eijsik caezcaemh Cunghvaz Minzczuz maenhsaed. (Veiz Cezyingz)